

## Hreppsnefnd Langanesbyggðar kom saman til fundar miðvikudaginn 4. febrúar 2009 kl. 16:00 í félagsheimilinu Þórsveri.

Mætt voru: Siggeir Stefánsson, oddviti, Hulda Sigurðardóttir, Árni Davíð Haraldsson, Hilma Steinarsdóttir, Þórir Jónsson, Jóhanna Helgadóttir, Nanna Steina Höskuldsdóttir og Björn Ingimarsson, sveitarstjóri, sem ritaði fundargerð og Björn Guðmundur Björnsson, fulltrúi sveitarstjóra..

Oddviti bauð fundarmenn velkomna og setti fund.

### DAGSKRÁ:

#### 1. Fundargerðir nefnda og ráða.

- Hreppsnefnd 22.01.09 (*Lögð fram*)
- Hreppsnefnd 29.01.09 (*Lögð fram*)

#### 2. Fundargerðir frá ýmsum aðilum.

- Eyþing – Stjórnarfundur 06.01.09 (*Lögð fram*)

#### 3. Skýrsla sveitarstjóra.

*Sveitarstjóri flutti skýrslu sína og svaraði fyrirspurnum hreppsnefndarmanna.*

*Í tengslum við skýrslu sveitarstjóra var eftirfarandi ályktun gerð:*

*Hreppsnefnd Langanesbyggðar hvetur sjávarútvegsráðherra til að gefa nú þegar út 150 þús. tonna byrjunarveiðikvóta í loðnu. Miðað við þær fregnir sem berast af miðunum þá er um að ræða síst minna magn af loðnu við strendur Íslands en oft áður þegar að loðnuflotanum hefur verið heimilað að hefja veiðar. Ástandið í íslenskum efnahagsmálum er hins vegar mun lakara nú en áður hefur þekkt í sögu íslenska lýðveldisins og því enn brýnna nú en áður að leita allra mögulegra leiða til að halda hjólum atvinnulífsins gangandi og efla útflutningstekjur þjóðarinnar.*

*Samþykkt samhljóða.*

#### 4. Innsend erindi.

##### Til kynningar:

- Samband íslenskra sveitarfélaga – Megináherslur í úrgangsmálum.  
*Erindinu vísað til USB-nefndar til kynningar.*
- Heilbrigðisstofnun Þingeyinga – Sameining læknavakta í Norður Þingeyjarsýslu.

*Í ljósi þeirrar stöðu sem upp er komin í starfsemi heilsugæslustöðvarinnar á Þórshöfn, sem starfrækt er af Heilbrigðisstofnun Þingeyinga, beinir hreppsnefnd Langanesbyggðar því til heilbrigðisráðherra að hann beiti sér fyrir því nú þegar að fjárveitingar til stofnunarinnar verði leiðréttar þannig að tryggja megi grunnþjónustustarfsemi á öllu starfssvæði Heilbrigðisstofnunar Þingeyinga.*

*Nú er svo komið að aðeins er gert ráð fyrir hálfri stöðu hjúkrunarfræðings, einni stöðu læknis, ljósmóður í hluta starfi, er einnig sinnir ungbarnaeftirliti, og einni stöðu sjúkraflutningsmanns við stöðina á Þórshöfn. Samkvæmt upplýsingum er hreppsnefnd hafa borist til eyrna stendur til að skerða þessa takmörkuðu þjónustu enn frekar þannig að einungis verði starfandi tveir heilbrigðisstarfsmenn við stöðina hverju sinni. Til að uppfylla lágmarkskröfur um þjónustu á Þórshöfn og næsta nágrenni þarf að tryggja nægilegt fjármagn til að standa undir heilli stöðu hjúkrunarfræðings í stað hálftrar í dag og að ávalt verði tveir sjúkraflutningamenn á vakt í stað eins í dag.*

Á Þórshöfn hefur atvinnulíf verið nokkuð stöðugt á undaförnum árum en heldur eflst síðustu misserin og eru ekki horfur á öðru en að svo verði áfram. Það er því í hróplegri mótsögn við þróun samfélagsins að skerða einn af grunnþáttum velferðarþjónustunnar og edlilegt að gripid verði þegar til aðgerða sem miða að því að snúa slíkri óheillaþróun til betri vegar.

Samþykkt samhljóða.

- Hreppsnefnd Svalbarðshrepps – Afgreiðslur og fyrirspurnir – Svör sveitarstjóra Lnb. Sveitarstjóri gerði grein fyrir málinu.

#### Til afgreiðslu:

- Hestamannafélagið – Ábending til hreppsnefndar Langanesbyggðar. Sveitarstjóra falið að óska eftir umsögn Heilbrigðiseftirlits Norðurlands eystra vegna ábendinga hestamannafélagsins.
- Ungmennafélag Langnesinga – Styrkbeiðni vegna knattspyrnumóts í Rvík 07. – 08.02.09. Samþykkt samhljóða að veita UMFL styrk sem nemur kr. 70.000,- vegna þátttöku 4. og 5. flokks drengja og stúlkna á íslandsmóti í innanhúsknattspyrnu sem fram fer í Reykjavík 7. og 8. febrúar nk. Styrkurinn skal tekinn af þeirri fjárhæð sem ætlað er til íþrótt- og æskulýðsmála í nýsamþykktari fjárhagsáætlun fyrir árið 2009.
- Reynir Jónsson – Umsókn um lóð undir hesthús og skilda starfssemi. Samþykkt samhljóða að vísa erindinu til umhverfis-, skipulags- og byggingarnefndar til afgreiðslu.
- Skóladeild Akureyrar – Umsókn um námsvist utan lögheimilissveitarfélags. Erindinu vísað til umfjöllunar og afgreiðslu á lokuðum fundi hreppsnefndar sem hefst strax að aftloknum reglulegum hreppsnefndarfundum.
- Samband íslenskra sveitarfélaga – Íslensk byggðamál á krossgötum – Byggðaráðstefna Sambandsins, iðnaðarráðuneytis, samgönguráðuneytis, Byggðastofnunar o.fl. í Borganesi 20.02.09. Fram kom að sveitarstjóri mun sækja ráðstefnuna sem fulltrúi Atvinnuþróunarfélags Þingeyinga. Ákveðið að halda því opnu hvort fulltrúar úr hreppsnefnd Langanesbyggðar sækji ráðstefnuna. Ákvörðun þarf að liggja fyrir í síðasta lagi 18. febrúar nk.

## 5. Álagningarákvæði og gjaldskrár Langanesbyggðar fyrir árið 2009.

Sveitarstjóri gerði grein fyrir tillögum að álagningarákvæðum og gjaldskrár fyrir Langanesbyggð er grundvallast á samþykktari fjárhagsáætlun sveitarfélagsins:

Álagningarákvæði í Langanesbyggð 2009.

### 1. Gjaldskrá fasteignagjalda

Fasteignaskattur A er 0,36% af heildarálagningarstofni.  
Fasteignaskattur B er 1,65% af heildarálagningarstofni.  
Fasteignaskattur C er 0,8 % af heildarálagningarstofni.  
Lóðarleiga er kr. 4.90,- pr. m<sup>2</sup> eða samkvæmt leigusamningi.  
Vatnsskattur er 0,15% af heildarálagningarstofni.  
Aukavatnsskattur er kr. 13,90 pr. m<sup>3</sup> vatns.  
Holræsagjald er 0,15% af heildarálagningarstofni.  
Sorphreinsunargjald heimila kr. 8.625,- á íbúð.  
Sorphreinsunargjald fyrirtækja kr. 8.625,- eða samkvæmt reikningi.  
Sorpeyðingargjald heimila kr. 8.625,- á íbúð.  
Sorpeyðingargjald fyrirtækja:  
A-flokkur kr.8.625,- Urðað magn (áætlað) að 12 m<sup>3</sup> á ári.  
B-flokkur kr. 25.875,- Urðað magn (áætlað) frá 12 að 48 m<sup>3</sup> á ári.  
C-flokkur kr. 103.500,- Urðað magn (áætlað) frá 48 m<sup>3</sup> á ári.

## 2. Undanþágur

Elli- og örorkulífeyrisþegar fá allt að 20.000.- kr. niðurfellingu á fasteignaskatt af eigin íbúðarhúsnæði, sem viðkomandi býr í. Hlutfallsleg örorka veitir hlutfallslegan rétt til lækkunar. Þessar lækkanir hafa verið færðar á álagningarseðlum hjá ellilífeyrisþegum en öryrkjar þurfa að sækja um eða endumýja fyrri umsóknir. Ef gjaldandi telur sig eiga rétt á frekari afslætti á grundvelli þessa ákvæðis er viðkomandi vinsamlega beðinn um að hafa samband við skrifstofu Langanesbyggðar.

## 3. Skilgreiningar álagningastofna

Lög um tekjustofna sveitarfélaga nr. 4/1995 með síðari breytingum. Breytingar nr. 945/2000, 1.gr.: "Leggja skal árlega fasteignaskatt á allar fasteignir sem metnar eru í fasteignamat 31. desember á næstliðnu ári, sbr. þó 5.gr. Stofn til álagningar á allar fasteignir skal vera fasteignamat þeirra. Skattur skal vera sem hér segir:

Allt að 0.50% af álagningarstofni:

Íbúðir og íbúðarhús ásamt lóðarréttindum, erfðafestulönd og jarðeignir, sem ekki eru nytjaðar til annars en landbúnaðar, útihús og mannvirki á bújörðum sem tengd eru landbúnaði og sumarbústaðir ásamt lóðarréttindum.

• Allt að 1.32% af álagningarstofni:

Allar aðrar fasteignir.

Heimilt er sveitarstjórn að hækka um allt að 25% hundraðshluta þá, sem tilgreindir eru í 3. mgr. þessarar greinar, samkvæmt öðrum hvorum eða báðum stafliðum."

Álagningarstofn vatnsskatts er fasteignamat húss og lóðar, þó að hámarki 0.30% af álagningarstofni. Heimilt er sveitarstjórn að miða vatnsskatt við stærð fasteignar og/eða notkun skv. mæli eða fast gjald sbr. lög nr. 81/1991.

Álagningarstofn holræsagjalds er fasteignamat húss og lóðar. Gjald má miða við virðingaverð fasteigna eða við stærð lóðar eða við hvortveggja sbr. vatnalög.

## 4. Önnur Þjónustugjöld

Leikskólagjald 14.950,-  
Máltíð í skólamötuneyti 405,-  
Tónlistarskóli (á önn) 20.700,-  
Sundlaug 400,-  
Íþrótt- / þreksalur 500,-  
Félagsheimilið (allt húsið) 34.000,-  
Sláttur (<1000 m<sup>2</sup>) 3.000,-  
Sláttur (>1000 m<sup>2</sup>) 5.000,-  
Hundahald (árgjald) 7.500,-  
Félagsleg heimaþjónusta – Taxi-1 0,-  
Félagsleg heimaþjónusta – Taxi-2 331,-  
Félagsleg heimaþjónusta – Taxi-3 882,-  
Húsaleiga (á m<sup>2</sup>) 590,-

## 5. Gjald dagar

Gjald dagar fasteignagjalda eru 8  
Eindagi fasteignaskatta er 30 dögum eftir gjalddaga.

*Efir nokkrar umræður voru tillögur að álagningarákvæðum og gjaldskrár fyrir Langanesbyggð árið 2009 samþykktar samhljóða.*

*Fundargerð lesin upp og samþykkt samhljóða.*

*Fleira ekki gert og fundi slitið kl. 17:27*